

CYNGOR CYMUNED BETHESDA BETHESDA COMMUNITY COUNCIL

*"Gwerth cymuned yw'n credo
A'n braint yw gwarchod ein bro"*

Clerc a Phrif Swyddog Cyllid
Clerk and Chief Financial Officer

Donna Watts

Rhif Ffôn: 01248 602131

Ebost: CyngorBethesda@ogwen.org

26 Stryd Fawr

Bethesda

Gwynedd

LL57 3AE

Cofnodion Cyfarfod Cyffredinol o'r Cyngor a gynhaliwyd dros Zoom
Nos Fercher 20 Hydref 2021

PRESENNOL:

Ward Ogwen

Y Cynghorydd Neville Hughes

Y Cynghorydd Griff Morris

Y Cynghorydd Walter Williams

Y Cynghorydd Mary Jones

Y Cynghorydd Bleddyn Williams

Ward Gerlan

Y Cynghorydd Ann Williams

Y Cynghorydd Dyfrig Jones

Ward Rachub

Y Cynghorydd Godfrey Northam

Y Cynghorydd Michael Williams

Y Cynghorydd Pearl Evans

Cyngor Sir

Y Cynghorydd Paul Rowlinson

- 1. Croesawyd** pawb i'r cyfarfod gan y Cadeirydd y Cyng. Bleddyn Williams
Ymddiheuriadau – gan y Cyng. Linda Brown, Gwilym Owen a Rheinallt Puw

2. Datgan Diddordeb

Dim i'w ddatgan.

3. Materion Brys

i. Arriva – problem gyda bysiau yn llawn, ac hefyd rhai ddim yn troi fyny. Ers i Arriva ddidymu'r gwasanaeth 67S mae nifer o gwynion wedi eu derbyn. Mae'r bws 07:47 o Gerlan yn llawn yn cyrraedd Rachub, a llawer o drigolion yn gorfod sefyll yr holl ffordd i Fangor. Os mai bws bach sydd wedi cael ei roi ar, mae hon yn llawn yn Adwy'r Nant! Mae'r un broblem gyda'r gwasanaeth hwyrach pan mae'r plant ysgol a choleg yn dychwelyd adref.

Nifer o gwynion hefyd am y diffyg bysiau, rhai ddim yn troi fyny o gwbl! Rydym yn gwybod am y diffyg gyrwyr, ond y sylwadau sy'n cael eu rhoi gan y defnyddwyr ydi bod y bysiau sy'n rhedeg i Maesgeirchen dal i fynd heibio yn aml, pan maent yn disgwyl awr neu fwy am y bws nesaf i Fethesda i droi fyny. Y Cynghorydd Paul Rowlinson i edrych i mewn ymhellach, a'r Clerc i anfon llythyr at Arriva.

4. Cofnodion

Cadarnhawyd cywirdeb cofnodion y cyfarfod a gynhaliwyd ar 30 Medi 2021.

5. Materion yn codi o'r Cofnodion

5.1 Rhos y Nant – problem gyda dŵr yn sefyll. Cyngor Gwynedd am edrych ar wyneb y ffordd pan yn gwneud gwaith ail-wynebu ar y palmentydd.

5.2 CCTV Stryd Fawr – y Clerc i holi Cyngor Gwynedd am ddiweddariad.

- 5.3** Arwyddion stryd – Angen caniatad perchnogion yr adeiladau a prynu arwyddion.
- 5.4** Llinellau melyn ym Mhant Dreiniog – llinellau wedi eu gosod oherwydd y loriau oedd yn arfer ymweld a C L Jones. Y Cyng. Rheinallt Puw wedi holi CL Jones ac am ddisgwyl i weld pwy fydd perchennog newydd y safle a'i drafod gyda nhw.
- 5.5** Cae chwarae Rachub – Y Clerc wedi holi Cyngor Gwynedd unwaith eto am yr arian Adran 106: Rhwymedigaethau Cynllunio ar gyfer caniatad cynllunio Llwyn Bedw.
- 5.6** Llwybr o Gwernydd i Abercaseg – yn dilyn cyfarfod ar y safle, Cyngor Gwynedd am osod mwy o rwystrau.
- 5.7** Y Clerc i holi Adra os oes unrhyw wrthwynebiad i osod fainc ar eu safle yn Stryd y Ffynnon, Gerlan.
- 5.8 i.** Allt Pen y Bryn – problem gwlededd pan yn tynnu allan o'r gyffordd i'r A5 oherwydd y gor-dyfiant, ac hefyd traffic yn gyrru.
- 5.8 ii.** Yr Hen Chwarel, Ffordd Gerlan – problemau oherwydd gor-dyfiant a'r ffordd yn gul
- 5.8 iii.** Braichmelyn/Bont Tŵr – problem gwlededd a traffic sy'n gor-yrru pan yn tynnu allan i'r A5.
- Cyngor Gwynedd a'r Asiantaeth Cefnffyrdd wedi cydnabod ein gohebiaeth ac am edrych mewn iddynt.

6. Adroddiad Pwyllgor Cyllid

Pawb wedi derbyn copi o'r adroddiad. Y Cyng. Neville Hughes yn ei gyflwyno a thrafod y cyfrifon hyd yn hyn. Diolchwyd iddo am ei waith. Penderfynwyd derbyn yr adroddiad.

7. Maes parcio Gerlan

Dim diweddariad ers y cyfarfod diwethaf.

8. Gohebiaeth

Roedd pawb wedi cael copi o'r rhestr 'crynodeb o ohebiaeth Hydref 2021'

8.1 E-bost gan Ombwdsmon Gwasanaethau Cyhoeddus Cymru – Ymgynghoriad Agored ar Ganllawiau arfaethedig yn ymwneud ag 'Egwyddorion Gweinyddu Da' a 'Rheoli Cofnodion yn Dda'. Penodwyd Is-bwyllgor i drafod yn y Gorffwysfan 1af o Dachwedd 2021 ac i ymtaeb i'r ymgynghoriad-y Cyng. Mary Jones, Walter Williams a Paul Rowlinson.

8.2 E-bost gan Llywodraeth Cymru- Ymgynghoriad ar drethi lleol ar gyfer ail gartrefi a llety hunanarlwyo. Y Clerc i anfon sylwadau am yr anghysondeb yn y deddfau/rheolau.

8.3 E-bost gan Llywodraeth Cymru – Ymgynghoriad 'Llunio Dyfodol Cymru: Defnyddio cerrig milltir a dangosyddion cenedlaethol i fesur cynnydd ein cenedl'. Y Clerc i ymateb – bod angen cynnig/cael mynediad at ginio am ddim i blant drwy gydol y flwyddyn.

8.4 E-bost gan Amgueddfa Lechi Cymru: Ddoe, Heddiw a Fory - Holiadur i ddarganfod sut amgueddfa dach chi isio? Y Cynghorwyr i ymateb fel unigolion.

8.5 E-bost gan Adran Cefnffyrdd - Adolygiad o'r terfyn cyflymder rhwng Pont Halfway a Bethesda. Eisiau gwneud y cyflymder dros dro o 40myh yn barhaol Y Clerc i anfon y sylwadau canlynol – **1.** Cefnogi'r cynnig i wneud y terfyn cyflymder 40mya dros dro cyfredol ar yr A5 yn barhaol **2.** Mae angen cyfeirio at y bont fel Pont y Pandy, ac nid Halfway Bridge **3.** Aelodau wedi cynnig bod y ffordd yn addas ar gyfer peiriant mesur cyflymder ar hyd y daith o Fethesda at Pont y Pandy

8.6 E-bost gan Safle Treftadaeth y Byd Llechi Cymru - Sefydlu Fforwm Cymunedol. Cyfarfod cyntaf Ionawr 2022 - Enwebu un cynrychiolydd i fynychu'r fforwm (dwy waith y flwyddyn) ac dirpwy erbyn 15 Tachwedd 2021

8.7 E-bost gan Gareth Jones, Pennaeth Cynorthwyol Cyngor Gwynedd. Ymateb i'n llythyr par: cais cynllunio Cae Rhosydd. Penderfynwyd derbyn yr ohebiaeth.

9. Penderfyniadau a Ceisiadau Cynllunio

Penderfyniadau

C20/0716/13/LL

1 Lon Sarnau, Bethesda

Cais ar gyfer trosi modurdy i anecs is-raddol i'r eiddo adnabyddir fel '1 Lon Sarnau, Ffordd y Stesion, Bethesda'

Penderfyniad: Ar y gweill.

C20/0152/13/LL

4 Rhes Ogwen

Cais ar gyfer trosi is-lawr eiddo i uned breswyl hunan gynhaliol ynghŷd a rhannu modurdy cefn i fodurdy a phorth car

Penderfyniad: Ar y gweill.

C21/0553/13/LL

Tŷ Capel Bethel, Henbarc, Rachub

Newid defnydd y gweithdy a'r storfa i fod yn rhan o'r annedd breswyl presennol

Penderfyniad: Caniatawyd, gydag amodau

C21/0682/13/AC

Plot 3 Yr Ardd, Gerlan, Bethesda

Diwygio Amod 2 o ganiatad rhif C16/0007/13/LL er mwyn codi tŷ mwy

Penderfyniad: Caniatawyd, gydag amodau

C21/0855/13/RC

Maes Yr Onnen Stryd Britannia, Rachub

Diddymu cytundeb o dan Adran 106 ar ganiatâd rhif C08A/0444/13/AM sy'n datgan mai'r tŷ oedd yn destun y caniatâd cynllunio yw'r unig adeilad sydd i'w godi ar y safle gyda gweddill y safle yn aros fel man agored.

Penderfyniad: Ar y gweill

Ceisiadau

Dim i'w ystyried.

10. Taliadau

Awdurdodwyd y canlynol

Cyflogau (Hydref)

£309.30

CThEM (Hydref)

£76.80

C L Jones-Llys Dafydd

£91.10

Cyngor Gwynedd-polion defibs

£1080.00

Indigo Awnings - parasols
C S Jones - Llyfr Mawr y Plant - gwaith pren

£2236.40
£700.00